

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ
ՁԵՐԲԱԿԱԼՎԱԾ ԱՆՁԱՆՑ ՊԱՇՏԵԼՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1403

19.02.2014թվ.

ՀՀ Ոստիկանության պետ,
զեներալ-լեյտենանտ
պարոն՝ Վ. Գասպարյանին

Հարգելի պարոն Գասպարյան,

Դիտորդական խումբը իր գործունեության 7 տարիների ընթացքում բազմիցս անդրադարձել է ՀՀ ոստիկանության Արարատի ՄՎ Մասիսի ՁՊՎ-ում առկա բարձր խոնավության աստիճանին:

Խոնավության բարձր մակարդակը ՁՊՎ-ի պահման պայմանները դարձրել է ոչ պիտանի այնտեղ անձանց պահելու համար և միաժամանակ վնասակար ազդեցություն է թողնում ինչպես ՁՊՎ-ում պահվող անձի, այնպես էլ ՁՊՎ-ում ծառայություն իրականացնող ոստիկանի առողջությանը:



Չնայած մի քանի անգամ տարված վերանորոգման աշխատանքներին՝ ՁՊՎ-ն այնուամենայնիվ ամբողջությամբ գտնվում է ծայրահեղ վիճակում և Դիտորդական խումբը գտնում է, որ ՁՊՎ-ն շահագործման ենթակա չէ:

Ուստի՝ խնդրում ենք դադարեցնել Մասիսի ՁՊՎ-ի գործունեությունը և այնտեղ իրականացնել համապատասխան վերանորոգման աշխատանքներ:

Կից ներկայացված են Մասիսի ՁՊՎ-ի լուսանկարները:

Հարգանքներով՝

ՀՀ ոստիկանության համակարգի ձեռքակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ՝





ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երևան, Նալբանդյան 130 հեռ. 59-65-94

N- 2/2-1-445

« 26 » 02 2014թ.

Ձեր 19.02.2014թ. թիվ 2621/1403 գր.

ՀՀ ոստիկանության համակարգի ձերբակալված անձանց պահելու վայրերում հասարակական դիտորդների խմբի նախագահ Հասմիկ Սահակյանին

Հարգելի տիկին Սահակյան

ՀՀ ոստիկանության Արարատի մարզային վարչության Մասիսի բաժնի ՁՊՎ-ի շահագործումը, խոնավության բարձր մակարդակի պատճառով, ժամանակավորապես դադարեցնելու վերաբերյալ Ձեր գրությունը քննարկվել է ՀՀ ոստիկանության շտաբում, որի կապակցությամբ հայտնվում է, որ հիշյալ խնդիրն արձանագրվել է նաև 2013թ. սեպտեմբերին՝ ՀՀ ոստիկանության շտաբի կողմից իրականացված համալիր-տեսչական ստուգումների արդյունքներով: Բացի այդ, դեռևս 23.10.2013թ-ին ՀՀ ոստիկանության պետի մոտ կայացած օպերատիվ խորհրդակցության ժամանակ ոստիկանության պետի կողմից հանձնարարական է տրվել համապատասխան ծառայություններին՝ հաշվարկել տարածքային ստորաբաժանումների շենքային պայմանների, այդ թվում՝ հերթապահ մասերի, ՁՊՎ-ների վերանորոգման աշխատանքների համար նախատեսվող ծախսերը և զեկուցել: Ի կատարումն ՀՀ ոստիկանության պետի հանձնարարականի, ուսումնասիրության արդյունքում ոստիկանության Մասիսի բաժնի ՁՊՎ-ի վերանորոգման համար կազմվել է նախահաշվարկ և հանձնարարվել կատարել շինարարական աշխատանքներ:

Ներկայումս հիշյալ խնդրի կարգավորման գործընթացը գտնվում է փաստաթղթային ձևակերպումների փուլում և վերանորոգման աշխատանքները սկսելու ու Մասիսի բաժնի ՁՊՎ-ի գործունեությունը ժամանակավորապես դադարեցնելու դեպքում կհայտնվի լրացուցիչ:

ՀՀ ոստիկանության շտաբ